

01水溝仔佢金寶螺

許珮旻(Puē-bîn)

細漢的時陣，阮定定會去田岸邊的水溝仔掠am-muî仔。會記得，彼時的水溝仔無炭蓋，水清清，今仔(tann-á/tǎnn)對一區一區的『phòng-phuh』仔流出來，am-muî仔掠袂完，水雞仔嘛蹣(phùt)蹣跳。掠啊掠、耍啊耍，耍了矣，am-muî仔、水雞仔閣共伊放轉去，規陣囡仔相招來去轉。

am-muî仔罔掠，總是看著水溝仔的壁堵頂黏著真濟粉紅仔色的物：一粒一粒，規掙規掙，閣袂輸若桑材(sng-tsâi)咧！但是細漢的我實在嘛毋捌桑材生啥形，看著伊是粉紅仔色的，就認伊做『草莓』。

印象上深的是有一擺，我一个人走去一條大水溝遐迤迤。彼條水溝對細漢的我來講蓋大條——凡勢比我人較懸——無水，塗焦焦，水溝仔壁是石仔鞏(khōng)的，嘛有大粒石頭排齊齊，噗(phok)出來佇石仔面頂。上重要的是，壁堵頂有真濟『草莓』。

『草莓』這號物，對阮庄跤囡仔是真罕見，感覺就是貴參參的果子，平常時真罕得食會著。進前掠am-muî仔的時，想講彼『草莓』可能因為生佇壁堵，塗潑(kō)甲垃圾垃圾，才無人愛食，無人欲食我嘛歹勢講。但是這陣有這

個機會，無人看著，閣有規排的『草莓』在我捎(sa)，我應該把握……。

結果我人傷矮，手捎無，換用跤來勾，踢一下規个『草莓』煞爛甲滯(siûnn)滯滯，莫講想欲共伊勾起來。

我真毋甘願，硬死欲捏我數(siàu)念真久的『草莓』。我用石頭搯(kiat)、用柴仔枝剷(khau)，我一个貼心的紅狗蟻……毋著，是紅『草莓』，害我這個囡仔疔(phí)誠費氣。

啥人知影一下無張持，我煞規个人跋跋落去水溝仔底，摔一下有夠工夫。

這條水溝規人深，我驚一下煞袂記得吼，也袂記得喝救人。若講著跔(peh)壁我是真內行，毋過這擺我連溝仔墘(kînn)都摸袂著，是欲按怎跔？偏偏真無拄好，石仔閣不止仔滑，大粒石頭又閣撲(phok)了無夠出來，無所在通倚。佇危險的時陣，佳哉有大人看著，共我救起來，才無去予水流去。性命差一點仔為著欲拈『草莓』烏有去。

02 巷仔內的形影

王湘富

細漢的時陣，定定坐踎庄跤阿媽兜頭前門的椅條(liâu)邊，喙仔開開聽阿媽講台灣民間故事。聽阿媽喙角全波咧講「蟹蜆討命」、「地牛翻身」，佢「劍潭」、「鶯歌」的故事。其中有神祕傳奇、有忠義的先民，也有悲涼的戀情。逐擺聽遮的故事，我的心肝頭感覺真心適閣真趣味。想袂到，我的故鄉是遮爾仔古錐迷人。拄著阿媽心花開時，伊閣會哼(hainn)幾條仔南管、北管的小曲小調，予我鼻芳鼻芳；雖然講彼陣台語我猶聽無啥會慣勢，毋過，我嘛是足佢意佇暗暝，坐佇頭前門的椅條，倚佇阿媽身軀邊，那看滿天不時閃爍的天星，那聽阿媽共我講伊往過的風華佢這片土地的人文。

我去讀小學了後，就漸漸較少轉去阿媽兜過暝，只有佇咧歇熱的時，我才會牽阿爸佢阿母的手，共個司奶(sai-nai)，厚面皮要求個焠(tshuā)我轉去阿媽兜。會記得有一擺，阮駛車去阿媽兜，一開始，日頭赤焱(iānn)焱，車窗外的斑芝(pan-tsi)開甲橫霸霸，一蕊一蕊金爍爍，跟綴微微的涼風，親像一陣一陣柑仔色的海湧，溢(ik)來溢去，看著真感心。遠遠的小山崙(suann-lūn)，花開甲紅透枝，滿山遍野，予人誠驚奇。齊(tsiâu)齊齊拍莓(m̄)開，恬

𪗇𪗇(tsiuh)面向天，樹桎(ue)停三、四隻青苔仔(tshenn-thî-á)，咧唱迷人的歌詩，如癡如醉，予人心迷。一觸久仔，雄雄煞來烏天暗地，狂風大作(kông-hong-tāi-tsok)，飛沙走石(pue-sua-tsáu-tsióh)，雨規桶拚、落袂離。等阮駛車駛到阿媽兜頭前門一條狹巷仔的時，越頭煞看著阿媽倚佇低牆邊，擰雨傘咧等阮。

阿媽看阮已經到位，三步做兩步走出來接我。我佢阿媽公家擰一枝小雨傘，𪗇(nng)過彎彎曲(khiau)曲的小路，一直行到我記憶中阿媽的紅瓦厝。我擰頭斟酌看一站仔，佢細漢記憶中全款的椅條、全款的門窗、全款的矜簷(gîm-tsînn)，四界敢若攏有我的笑聲佢形影。細漢時陣種種園佇心內的光景，漸漸浮現佇目矚前，清清楚楚，使人懷念，使人迷戀。阿媽無等我入去厝內坐好勢，隨就擰(phâng)一碗燒燒的紅豆圓仔湯來予我，我那咁燒燒的甜湯，身軀也感覺燒熱起來；圓仔湯一喙一喙，食甲喙內甘甜甘甜，心肝頭嘛甘甜甘甜。時間的流變，黯(àm)淡事物的光彩，煞掩焱(am-khàm)袂密人佢人之間的溫柔。彼一暗，阿媽擰雨傘佇巷仔口的形影，擰圓仔湯予我咁的一片心意，無聲無說行入我的夢中，夢中伴相隨。

03 幸福的滋味！

劉美玉

人咧講：「無冬節都咧掌圓矣，無講是冬節。」

阮爸母一向攞足勢變(pinn)東變西，不管時攞會想一寡步數變食。個的絕招實在有夠濟，無論縛粽、掌圓仔、炊粿、做草仔粿抑是種菜逐項會！三不五時仔做予囡孫仔食、有當時仔送親情朋友、有時陣寄人賣、有時仔嘛會囡佇家己的門口賣。庄仔內知影的人，逐家攞真捧場(phâng-tiûnn)，相招來交關，袂輸若毋較緊咧，會予人搶頭香去，定定看個笑甲喙仔裂 sai-sai，兩個老翁仔某不時嘛變甲真歡喜！

所以，自細漢看到大漢，過年過節個攞真無閒。啊毋過慢慢仔年歲愈來愈濟，囡孫仔嘛大漢矣！逐家攞講：「天氣燒熱，食無遐濟，買幾粒仔拜拜就好！閣再講阿爸身體欠安、逐家閣攞愛上班，無跤手通門相共，食著真歹勢呢。」

後來，五日節一到，阿母仝款趁阮逐家無閒去上班的時，偷偷仔攞(tshuân)物件，照常縛一拵(kuānn)閣一拵的肉粽，吩咐阮兄弟姊妹緊拵轉去予逐家食。阮那食肉粽，心肝頭那感覺燒烙燒烙(sio-lō)，彼種幸福的滋味，就親像電視廣告的話仝款，「足感心的！」阿母！你哪會攞袂忝(thiám)！其實阮知影啦！因為你真心疼痛(thiànn- thàng)

阮每一个囡孫，毋過阮嘛仝款毋甘你傷忝呢！

想起往年(íng-nî)，阿爸的身體猶閣勇健的時陣，無論冬節抑是過年，伊佗阮阿母攞佇灶趺出出入入、無閒頤頤(tshih-tshih)，一个杯(put)米去浸、一个就攞石磨仔通挨粿；無論是籠床(lâng-sâng)、抑是簍(kám)壺仔，攞鑪(lù)甲金爍爍(sih)；粿巾洗甲清氣 tam-tam，穀仔(khok-á)大大細細攞甲真齊全。粿袋仔一擺攞攞幾若趺，驚毋挂好若破空，彼就食力囉！

粿漿挨好了後，阿爸就共規袋粿袋仔摺(mooh)起去椅條頂，用一枝扁擔砑佇面頂，閣用索仔縛幾若輓(liàn)，三不五時就去反爿(píng-pîng)，伊講愛砑予焦，才會做得！焦水了後，倒佇咧簍壺仔內，先用雙手掌予散，阿母隨攞一塊粿粿(tshè)落去爍(sáh)，才起來摻落去攪(nuá)予齊勻(tsiâu-ûn)，厝內大細逐家圍佇咧簍壺仔邊掌圓仔，那講那笑，彼種幸福的滋味，到甲今仔日猶不時出現蹣我的腦海中。

桃園市東安國中105學年度第二學期
本土語言競賽 閩南語朗讀 文章

相關 音檔 可於東安網>最新公告下載

04 孤影

陳怡伶

三月的海風，猶閣淡薄仔涼涼，吹著特別爽快。我坐佇駁岸(poh-huānn)邊，看海湧共沙埔拍甲誠齊勻(tsiâu-ûn)，大概佇五百公尺遠的所在，我看著阿媽的形影。自從阿公往生了後，我總是感覺阿媽的形影加一分孤單、寂寞(tsik-bók)。雖然伊的目睷看起來猶閣嬌嬌，但是眼神已經無較早的熱情，目睷親像一口古井，對頂頭看落去，深甲予人看袂著底，無法度估計伊的深度。我干焦知影，佇上深的所在有伊佻阿公的過去。

阿媽行到我身軀邊順勢坐落來，我趕緊去共伊扶。

阿媽提伊拄才煮好囷入去盒仔內的飯菜予我，我看著佇海坪(phiānn)頂坦坦的囷仔，感覺家己嘛轉來到囷仔時代彼種無煩無惱的時代。

「較早你上佻意叫阿公炆(tshuā)你去海邊仔坦坦，我會記得你上佻意共塗掌捏(liáp)做圓仔，閣吵阿公愛紮轉來煮，逐擺攞是我去叫恁轉來食飯。這馬你大漢矣，嘛較會曉想，無親像細漢時陣遐爾勢使性地。」阿媽吐一口氣，紮落來講：「時間過了真緊，逐家攞已經佻以早無仝款矣。」

阿媽伊無讀過啥物冊，所以嘛袂曉用「人事已非(jîn-sū-í-hui)」來形容，但是這是阿媽想阿公的方式，伊

總是輕輕仔講起以早發生的代誌，敢若是別人佇咧講故事仝款。雖然伊目睷瞇瞇(kheh/khueh)，但是我猶原看會出伊的悲傷，感覺著伊的孤單。我定定咧想，阿媽是毋是無想欲流目屎，所以伊選擇共目睷瞇起來，共目屎關佇彼口看袂著底的古井內。有幾若擺我艱苦甲一句話都講袂出喙，我干焦恬恬仔聽阿媽講伊佻阿公的故事。

海湧猶原共沙埔拍甲真齊勻，敢若有真濟話想欲共海坪(phiānn)講，所以一直發出「嘆(phók)！嘆！」的聲音，親像阿媽有真濟對阿公的思念仝款。

「你猶會記得阿公送你的彼條被鍊無？」

「會記得啊！」我刁工講甲真輕鬆。

「恁阿公定定咧講，所有的孫仔攞無，毋過因為伊上疼你，所以就偷偷仔買一條送你。」

我手摸被鍊，阿媽繼續講：「我佻恁阿公去金仔店的時陣，看著彼條被鍊，阮就知影你會佻意。拄拄仔好你相(siùnn)免，所以就買落來送予你做生日禮物。我猶會記得你看著彼條被鍊那跳那叫的模樣，想袂到落尾你煞歡喜甲哭出來。」

05 五月天的旅行，五月的雪

賴淳(sûn)茹

透早，一陣朋友來阮兜樓跤掙(tshih/jih)電鈴。我當好睏，聽著有人咧掙電鈴實在是真煩，較苦跣起來，毋情毋願去開門。門才開一半，恐怖的叫聲就直接貫(kng)過門枋，迴(thàng)到我的耳空。「啥？你猶未換衫喔(ooh)！你敢袂記得今仔日欲去看五月雪啊？」一向(it-hiòng)嚨喉空上大的阿庭目睷激甲大大蕊咧喝。

「五月雪？」我雄雄想起昨暗，欲睏進前接著的「通知」。這聲，我真正完全醒矣。「歹勢啦！予我十分鐘，我馬上落來！」

幾分鐘後，阮就已經佇前往山頂的路裡囉(loh)！

沿路，阮那騎車那唱歌，這是阮這陣朋友的特殊(tik-sû)習慣。雖然騎車的佻坐車的攏腰痠背疼，毋過時間佇阮〈快樂的出帆〉、〈滿山春色〉、〈四季紅〉的歌聲中真緊就過去矣。

「看著矣！看著矣！我看著五月雪囉！」車拄幹(uat)入去山路，就看著山頂有一大片(phiàn)開甲白白的五月雪。因為是頭一擺看著，害我歡喜甲共形象(hîng-siōng)攏抨(phiann)無去矣。

阮車騎咧一直對山頂躉去，綴山路彎來彎去，總算躉

到勝興車站矣。阮躉(nng)過充滿客家風情的街仔路到勝興車站，遐真正是一个好所在，而且聽講勝興車站是縱貫道路上懸的車站，既然無法度去玉山攻頂，攻到上懸的車站，嘛有享受著上懸的感覺！阮趕緊共車停好，做一睏衝到車站鐵枝路邊。雖然彼工天氣真燒熱，毋過溫柔的風吹佇阮的身軀，敢若咧掖(iā)五月雪，唱風的歡迎曲，歡迎阮來到遮，阮的心情隨就變甲真爽快！

為著欲做一个好遊客，阮誠負責任佇四界翕相；對蓋有歷史的車站，真久無火車經過的鐵枝路，到烏嘛(mà)嘛的磅空，完全無想欲放過這個美麗的所在任何一个特別的角度。除了翕相以外，另外一項做遊客一定愛做的代誌就是頓(tng)紀念印仔啦！所以我有買一本紀念冊，佇紀念冊頂懸頓一堆大大細細的紀念印仔，感覺真滿足，了後才予彼陣趕緊欲去磅空耍的朋友揀(khiú/giú)到磅空邊去。

本來到磅空是為著欲翕相，尾仔發現佇磅空內底有固真濟有關勝興車站的紹介牌。順紹介牌，規陣人不知不覺煞行到磅空內面。阮毋知影佗位來的戇膽，竟然決定繼續往內底行入去。行啊行，磅空愈來愈深，愈來愈暗，阮敢若予人吸入去宇宙(ú-tiū)的烏洞，看袂著底。

06 台灣是寶島

藍淑貞

佇十六世紀，當葡萄牙商船經過台灣近海的時，遠遠看著一个真嬌的島嶼，樹木青翠，山懸水閣清，伊掠準是仙境咧，就大聲喝出：「喔！『Formosa! 』』『Formosa 』就是咧呵咾台灣真嬌的意思啦！

講著台灣的嬌，真正是世界通人褒，有山閣有水，一年四季如春，土地閣肥 tsut-tsut，物產豐富，無論山產、水產攏食袂離，稻仔一年收三擺，粟倉的米，囤甲滇滇滇(tīnn)，台灣人毋免驚會枉死；果子是百百種，逐項都芳閣甜，毋但家己食，閣會當賣錢，親像弓蕉、王梨、槎仔、西瓜、水蜜桃……喔！想著就強欲流喙瀾。

台灣雖然無夠大，毋過，因為有懸山，對南到北，連紮相接，所以逐位的風景攏真嬌。親像阿里山的日出，毋但名聲迴(thàng)京城，閣迴去到國外，連大陸仔都知影。毋過，若欲含雪霸山的日出比，敢若是地比天，無鹽咧比西施，彼差濟咧！恁若有機會，一定愛去看雪霸山的日出，體會伊彼款氣勢，彼款紅豔，彼款美麗，予你一世人都會記佇心肝底！

孔子公講：「登泰山而小天下。」哼！泰山欲算啥？孔子公毋捌來台灣，若無，伊一定會喝講：「喔！登玉山，天

下變細矣！」，咱的玉山，有 3,952 公尺，冬天時仔，定定落雪，雪積甲予玉山的山頭變甲白鑠鑠(siak)，親像一粒璇石佇天頂咧閃爍，無論天頂有佢寒，伊永遠倚佇遐，伊是台灣的神山，代表咱台灣人的精神！

想起彼當時，咱的祖先佇原鄉歹趁食，聽講：「台灣錢，淹跂目。」就拚過烏水溝，來到這個寶地。因為土地肥，人勤儉閣拍拚，一點一滴，個流血流汗來建台灣，所以真緊就佇台灣釘根生爌，留予咱這馬富裕的生活！

台灣踮(tiàm)花綵列島的中央，若像一隻海翁，咧看守太平洋。無論是經濟地位抑是政治地位，攏非常重要。咱佇遮出世，佇遮大漢，遮有咱的血汗，遮是咱的故鄉，每一个台灣人，攏愛好好仔保惜這塊土地，伊毋但是寶島，伊嘛是咱的阿母，咱的心肝仔寶貝喔！

07 庄跤漁港

薛玉麗

茄荳仔這個所在若無特別提起，知影的人應該無濟。遐，有一个漁港，叫做「新北港」。我是佇這個所在出世，大漢的海口囡仔。講著我囡仔時代，彼站才光復無佬久，干焦知影序大人變食三頓，做甲搭籬搭壁；因為個知影趁小錢愛拍拚，趁大錢才靠運命。但是透早天未光就出門，暗暗才轉來，無閒規工貼貼(tah)嘛無一定趁有食。因為老爸是靠一隻竹排仔咧討海，飼阮規十个囡仔，泔糜仔食無夠就食魚來鬥。阮阿媽定定講一句話：「有通食就好，毋通嫌無菜，蔭豉仔(im-sinn-á)擘爿你就知。」

較早的「新北港」，講是港，其實無成港。因為主航道無拍通，毋成樣的港喙嘛無燈塔；白沙崙、頂茄荳、下茄荳，三个庄頭的大細隻漁船，若出海掠魚轉來，攞無法度直接入港來落貨。著愛離岸頂差不多 100 公尺以外的外海拋碇(tiānn)共船仔固定佇外海了後，船員才坐竹排仔划(kò)槳仔(tsiúnn-á)上岸。若掠著較大注的，嘛全款愛用竹排仔，靠接駁的方式送上岸頂，才閣倩人擔去漁會喝賣。佇 40 外冬前，故前總統蔣經國，巡視來到遮，認為遮會興旺、發達；就按呢(tsuán)改名叫做「興達港」。政府才編預算，拍通航道，興達港才成做一个漁港，會當靠規百隻的漁船。

港裡有規劃拆船碼頭，嘛有新起的漁會大樓佾魚貨喝賣場，真四序，當地的漁民是呵咾甲會觸舌。

興達港，是佇高雄市茄荳區的上尾溜，台灣電力公司嘛佇遮建造火力發電廠。幾十年來海水一冬一冬漲懸，市政府就沿這條濱海公路，用『khōng-ku-lí』的方式，造一條 20 外尺懸的駁岸。駁岸內是港區，駁岸外是臺灣海峽，而且嘛佇駁岸跤囡真濟紅毛塗做的「肉粽角」。華語講彼是『消波塊』。因為海湧拍佇駁岸跤的力量誠大，年久月深，海湧會共駁岸的基礎割崩缺陷(khiah)；到時，若拄著風颱、驚若拄著海漲(hái-tiòng)，海水有可能會淹入庄內，威脅倚家的性命安全。

這馬的「興達港」佾伊後壁面的「情人碼頭」，攞是一个誠好耍的觀光景點，逐家若有閒，會當來遮行行咧，掬一下仔鹹閣澀的海風。

08 來去紅頭嶼迤迤

劉明新

今年歇寒，爸爸恁阮規家伙仔去蘭嶼迤迤；蘭嶼佇臺東的外海，以早號做紅頭嶼，蹠佇遐的原住民是 Ta-ú 族(達悟)，早前叫做 Iá-mih (雅美)。因為臺東是爸爸的故鄉，土塗親、人嘛親，阮才會有機會來去認捌紅頭嶼。

彼工，阮坐一隻十七人座的細隻飛行機，機長佇頭前咧創啥物，攞看現現。往過聽講這種飛行機攞是離離落落，愛用手共窗仔門揸予牢，無就會飛出去。其實無影。才飛十幾分，阮就看著美麗的紅頭嶼矣。

落飛行機，爸爸的原住民朋友來機場接阮，先載阮去環島。經過伊的紹介，我才知影，原來 Ta-ú 族的祖先是對菲律賓的巴丹島划船仔來的。紅頭嶼是一座火山島，海邊有真濟奇形怪狀的石頭：有親像獅仔的、象鼻的；嘛有親像老人的、查某囡仔的，這攞是火山爆發所形成的。沿路看著一寡真有特色的地下厝，嘛看著美麗的海邊，有真濟多色彩的漁船仔——世界上嬌的船仔，是原住民去山頂剝柴來做的。

「咦，哪有豬母恁豬仔囡佇大路咧散步？」阿姊感覺真稀奇，問講：「ĕh！山頂尾溜，崁頂的羊仔，敢是野生、無人飼的？個敢毋驚摔落來？」

「恁遮的都市恁 honnh！」爸爸的原住民朋友那笑那講：「對阮來講，動物佢人是平等的，阮毋才會予動物、自由自在去討食。」而且阮原住民，嘛真有生態保育的觀念喔：欲剝材做船仔進前，攞愛先種一樣細樣的才剝；上山挽野菜，嘛挽今仔日有夠食就好。」原來是按呢！這種優秀的文化，咱著愛好好來學習。

隔轉工，阮好玄去跔紅頭嶼上懸的山。跔過一支山，看著山頂尾溜的「天池」。「天池」是一个火山口所形成的湖，個共伊叫做「魔神仔的海」，因為佇遐會當聽著海湧的聲音，若親像魔神仔咧吼。想袂到山頂尾溜，真正有一个遮爾仔大的湖！落山了後，阮才去原住民朋友的兜食芋仔配飛鳥，體驗原住民的食食文化，實在是真心適。

第三工欲暗仔，阮才坐船離開紅頭嶼。當船入大海，我越頭閣去看紅頭嶼，敢若看著一个搖苟，去予太平洋的母親輕輕仔咧共伊搖，充滿美麗的溫柔。紅頭嶼有遮爾豐富的自然生態佢人文景觀，有遮爾單純熱情的人情味，予人數念。我向望有一工，會當閣去紅頭嶼迤迤，去參加個的飛鳥祭佢大船落海祭。彼毋知有佢好咧！